

բեկտոր Գ. Գալոյանը, Հայկական մանկավարժական ինստիտուտի ղեկավար Վ. Համազասպյանը, Ռուսական մանկավարժական ինստիտուտի պրոֆեսոր Է. Հակոբյանը, Հայկական ՍՍՌ արխիվային վարչության պետ Ա. Հարությունյանը, Հայկական ՍՍՌ գիտությունների ակադեմիայի ակադեմիկոսներ Ա. Հովհաննիսյանը և Ս. Սրեմյանը, հորեկյարի մանկության ղեկավար Գ. Գրիգոր, էյմիաժնի միջնակարգ դպրոցի ուսմասվար Կ. Նազարյանը և ուրիշներ:

Այնուհետև հրապարակվեցին բազմաթիվ հեռագրեր, որոնցով ողջունում ու շնորհավորում էին Վ. Է. Ռշտունուն նաև Հայկական ՍՍՌ

Միևնաբանների սովետի նախագահ Ե. Փոլինյանը, եղբայրական Վրաստանի գիտությունների ակադեմիայի պատմության ինստիտուտի դիրեկտոր ակադեմիկոս Բերձենիշվիլին, Ադրբեյջանի պետական համալսարանի ՍՍՌՄ պատմության ամբիոնի դասախոսները, Ուկրաինայի գիտությունների ակադեմիայի պատմության ինստիտուտի գիտական աշխատողները, Սոխումի հայկական միջնակարգ դպրոցի ուսուցիչներն ու նրանց սաները և շատ ուրիշներ:

Վերջում շնորհակալական խոսքով հանդես եկավ հորեկյարը:

Ա. ՀԱՄԲԱՐՅԱՆ

ՄԵԾԱՐԴԱՆ ՆՐԵԿՈ

Ծրեանի պետական համալսարանը և Հայաստանի գիտությունների ակադեմիայի հասարակական գիտությունների բաժանմունքը սույն թվականի ապրիլի 24-ին միացյալ նիստում հանդիսավոր պայմաններում նշեցին Հայաստանի գիտությունների ակադեմիայի թղթակից-անդամ, բանասիրական գիտությունների դոկտոր, գիտության վաստակավոր գործիչ պրոֆ. Բուրգեն Գրիգորի Սևակի (Երիզորյան) ծննդյան վաթսուներեք և գիտական-մանկավարժական գործունեության երեսունհինգամյա հորեկյանը:

Գրիգոր Սևակը ծնվել է 1904 թ. ապրիլի 28-ին Թրիլիսիում, կոշկակարի ընտանիքում: Սկզբնական կրթությունն ստացել է Ներսիսյան դպրոցում: 1924 թ. Կ. Սևակը ընդունվում է Ծրեանի պետական համալսարանը, որն ավարտում է 1928 թ. և 1929 թ. ընդունվում է ասպիրանտուրա, նույն թվականին էլ սկսում է դասախոսել համալսարանում, 1937 թ. ՀՍՍՌ լուսժողովմատր նրան շնորհում է դոցենտի կոչում: 1932—1939 թթ. նա ղեկավարել է Հայաստանի մարքսիզմ-լենինիզմի ինստիտուտի հայոց լեզվի սեկցիան: 1940 թ. ստացել է բանասիրական գիտությունների թեկնածուի, իսկ 1948 թ.՝ դոկտորի աստիճան: 1941 թ. մինչև այսօր պրոֆ. Սևակը ղեկավարում է համալսարանի հայոց լեզվի ամբիոնը: Ծրեանի տարիներ պրոֆ. Սևակը միաժամանակ գլխավորել է ակադեմիայի ժամանակակից հայոց լեզվի սեկտորի աշխատանքները, դասախոսություններ է կարդացել Լենինականի, Բաքվի, Թրիլիսիի բարձրագույն ուսումնական հաստատություններում:

Ընդուն է եղել պրոֆ. Սևակի գրիչը և հարուստ՝ նրա գիտակցական կյանքի անցած ուղին: Հանրաճանաչ են նրա շատ արժեքավոր

ուսումնասիրությունները հայոց լեզվի տեսության, պատմության, ոճագիտության, լեզվաշինարարության մասին: Նա առաջին լեզվա-



բաններից մեկն է Հայաստանում, որ մարքսիստական սկզբունքներով է բնում լեզվի և մտածողության, լեզվի և հասարակության փոխաբերության, լեզվի զարգացման հարցերը: Նրա «Հանուն մարքս-լենինյան լեզվարանության» (1932), «Լենինն ու դիալեկտիկական օրինաչափությունները լեզվի մեջ» (1934), «Խոսքի մասերի ուսմունքը» (1939) ծավալուն ու մեծարժեք հոդվածները հայ մարքսիստական լեզվարանության լավագույն գործերից են: Նրա «Ժամանակակից հայոց լեզվի տե-

ություն» (1939), որի երկրորդ հրատարակությունը լույս է տեսել 1955 թ. «Ժամանակակից հայոց լեզվի դասընթաց» խորագրով, արժեքավոր ներդրում է հայագիտության մեջ: Այդ գրքում պրոֆեսորը իր երկարամյա ուսումնասիրությունների շնորհիվ տվել է ժամանակակից հայերենի կազմավորման, նրա համակարգի, հասարակական կշռի, զարգացման օրինաչափությունների ու հեռանկարի լրնթագիրը: Հայ լեզուբանագիր առաջին անգամ այդ գրքում գտնում է հնչույթի ու ձևույթի գիտական, ճիշտ ու հստակ մեկնարանությունը, և իզուր չէ, որ հայագիտության մեջ նրան է տրվել հնչույթի և ձևույթի, ինչպես և շարույթի տեսության հեղինակային պատիվը:

1948 թ. լույս տեսավ Բ. Սևակի «Ժամանակակից հայերենի համառոտ պատմությունը, ուր տրված է արևելահայ գրական լեզվի պատմության ճիշտ շրջաբանումը, որը և բնորոշվեց հայագիտության մեջ: Երրորդ երկի լեզվի ուսումնասիրության, մանավանդ Հովհ. Թումանյանի լեզվի մասին այդ գրքում առաջ քաշված գրույթները մեծապես օգնում են գեղարվեստական երկի լեզուն ու ոճն ուսումնասիրող մասնագետներին: Նա առհասարակ գործուն մասնակցություն է ունեցել սովետահայ գեղարվեստական գրականության լեզվի կարևոր ու հրատապ հարցերի քննարկմանը:

Մեր մտավորականության և առհասարակ ընթերցող հասարակության մեջ լայն ճանաչում են գտել նրա՝ հայոց գրերի սկզբնաղբյուրների պարզաբանման, Մեսրոպ Մաշտոցի գործունեությունը լուսաբանող գիտական ուսումնասիրությունները, որպիսիք են՝ «Թե ինչ արեց Մաշ-

տոցը Սամոսատում» (1947), «Մեսրոպ Մաշտոց. հայկական գրերի ու մատենագրության սկզբնավորումը» (1962), «Մեսրոպյան գրերը, նրանց կառուցվածքի սկզբունքները և աղբյուրները» (1964) աշխատությունները: Պրոֆ. Սևակի «Հայոց լեզվի շարահյուսություն»-ը 1934 թ. մինչև այսօր մնում է իբրև դպրոցական լավագույն դասագիրք:

Արգասավոր է եղել պրոֆեսորի նաև մանկավարժական գործունեությունը: Գրականագետների ու գրողների, լեզվաբանների ու ուսուցիչների, ժուռնալիստների սերունդներ են դաստիարակվել նրա մոտ: Նրա աճեցրած բազմաթիվ ասպիրանտներ այսօր դարձել են գիտության թեկնածուներ, դոկտորներ, պրոֆեսորներ: Պետական համալսարանում նրա քանքերով հիմնադրվեցին հայ ոճագիտության, արևելահայ գրական լեզվի պատմության, ժամանակակից հայոց լեզվի շարահյուսության դասընթացները, նա է եղել դրանց առաջին մշակողն ու դասախոսողը:

1956 թ. պրոֆ. Սևակը ընտրվեց Հայկական ՍՍՌ գիտությունների ակադեմիայի թղթակից-անդամ: Սովետական կառավարությունը բարձր է գնահատել նրա գիտական-մանկավարժական գործունեությունը՝ նրան շնորհելով Հայկական ՍՍՌ գիտության վաստակավոր գործչի կոչում:

Հորելյարին ողջունեցին ռեսպուբլիկայի բարձրագույն ուսումնական հաստատությունների, գիտությունների ակադեմիայի ինստիտուտների և մի շարք միևիստրությունների ներկայացուցիչներ: Նիստի վերջում շնորհակալական խոսքով հանդես եկավ հորելյարը:

Օ. ԳՅՈՒԼԲՈՒԴԱՂՅԱՆ.